



## Publicaziuns officialas dils 18-09-2020

---

### Annunzias da baghegiar

All'istanza da baghegiar ei sin fundament digl art. 40 dall'ordinaziun davart la planisaziun dil territori dil cantun Grischun (OPTGR) vegniu annunziau suandonts projects:

#### **Nr. 113/2020**

Maissen-Kronberger Reto, 7302 Landquart; remplazzar fueina/fuorn avon il baghetg nr. 620 sin parcella nr. 4939 a Sumvitg-Russein.

#### **Nr. 114/2020**

Vischnaunca Sumvitg, 7175 Sumvitg; cuvrida dil vial cun giatrera da crappa per pastgets sin parcelas nr. 6625 e 6634 a Cumpadials-Laus.

#### **Nr. 115/2020**

Vischnaunca Sumvitg, 7175 Sumvitg; sanaziun lingia principala dalla serenera sin parcella nr. 327 a Rabius-Tschuppina.

Sumvitg, 18-09-2020

*Cumissiu da baghegiar*

## Votaziuns federalas e cantunalas dils 27-09-2020 mira pagina 3 da quest FUS

### L'urna ei aviarta (en canzlia communal)

gievgia e venderdis mintgamai duront las uras da spurtegl dumengia, ils 19-05-2019, dallas 10.00 – 11.00 uras

### Sonda e dumengia, ils 26 e 27 da settember 2020 mintgamai avon il survetsch divin en las fracziuns.

Ils cedels da votar ein vegni distribui. Tgi ch'ei aunc buca en possess da tals ei supplicaus da s'annunziar tier l'administraziun communal.

### Adatg!

**Il certificat da legitimaziun ei adina da presentar. Tier votaziuns cun posta ei il certificat da legitimaziun da suttascriver. Senza suttascripziun ei la votaziun nunvaleivla. Nus supplichein da consultar las informaziuns che Vus anfleis sin la cuviarta e sil certificat pil dretg da votar.**

Sumvitg, 18-09-2020

*Biro electoral*

## Lavurs vid Via Fravia a Rabius

La vischnaunca ha previu da slargiar in tschancun dalla Via Fravia a Rabius. Las lavurs ein previdas d'entscheiver entuorn ils 22 da settember 2020 e dueien vegnir terminadas el decuors digl atun. Duront il temps da baghegiar sto vegnir quintau cun impediments.

Per damondas stat il planisader Alex Deplazes dil biro d'inschignier Deplazes (tel. 081 943 25 60) bugen a disposiziun.

Sumvitg, 18-09-2020

*Departament traffic*

## Via Val – Lavurs el tunnel dils Barschaus

La jamna dils 12 entochen ils 16 d'october 2020 vegn l'illuminaziun dil tunnel dils Barschaus remplazzada. Ord quei motiv resta il tunnel serraus per tut il traffic naven dils **12 entochen ils 16 d'october 2020 naven da mintgamai las 07.00 – 18.00 uras. Sur miezdi vegn il tunnel aviarts per mintgamai 30 minutas.**

Nus supplichein per enconuschientscha e capientscha.

Sumvitg, 18-09-2020

*Departament traffic*

## Radunonza Uniun Rabius anavon

Invitaziun alla radunonza dall'Uniun Rabius anavon da **venderdis, ils 18 da settember** allas 20.00 ella casa da scola a Rabius. Tuttas commembras e tuts commembers sco era hosps ed interessai ein cordialmein envidai. Ulteriuras informaziuns ein publicadas sut [www.rabius.ch](http://www.rabius.ch). Giavischa enzatgi ils documents en pupi eis el supplicaus da s'annunziar tier il president Diego Deplazes ni tier l'actuara Natalia Tuor.

### Tractandas:

1. beinvegni
2. elecziun da dus dumbravuschs
3. approbaziun dil protocol dalla radunonza da fundaziun
4. informaziun dalla facultad dall'uniun
5. presentaziun e decisiun niev logo
6. presentaziun nova pagina d'internet
7. presentaziun ed approbaziun niev reglament per diever digl inventari
8. program da lavur
9. varia

*Suprastonza Uniun Rabius anavon*

## Pro S. Benedetg, Clavadi e contuorn

### Communicaziun

La radunonza dalla Pro s. Benedetg, Clavadi e contuorn, planisada **ils 3 d'october 2020** croda naven pervia dil coronavirus. Nus supplichein per Vossa capientscha. Il pareri dil president ed il rendaquen 2020 vegnan tarmess tier per posta a mintga commembra/-ber enteifer il schaner 2021. La proxima radunonza ha liug sche pusseivel igl **october 2021**. Tochen lu giavischein nus a tuts tut bien ed in temps legreivel en buna sanadad. *La suprastonza*

## Acziun da Birnel 2020

Aschinavon che l'interessenza ei avon maun, ei la vischnaunca prompta da separticipar vid l'acziun da Birnel.

**Sche nus contonschin denton buca ils 80 kg, savein nus buca separticipar. En gliez cass fagein nus ina publicaziun el fegl official dils 16 d'october 2020.**

Interessents san far l'empustaziun entochen ils **25 da settember 2020** tier la canzlia communal Trun.

Telefon: 081 920 20 40

E-mail: [canzlia@trun.ch](mailto:canzlia@trun.ch)

Il birnel sa vegnir furnius en sadialas da 12,5 kg, 5 kg, glasa dad 1 kg e da 500 g ni en dispensers da 250 g.

**Cuosts:**

Birnel convenziunal				
250	g	= frs.	4.20	(dispenser)
500	g	= frs.	6.50	(glas)
1.0	kg	= frs.	10.60	(glas)
5.0	kg	= frs.	46.00	(sadiala)
12.5	kg	= frs.	105.00	(sadiala)

Birnel zertificau qualitat <b>bio</b>				
250	g	= frs.	4.60	(dispenser)
500	g	= frs.	8.00	(glas)
1.0	kg	= frs.	12.50	(glas)
5.0	kg	= frs.	56.50	(sadiala)
12.5	kg	= frs.	131.00	(sadiala)

*Administraziun communal Trun*